

UCAPAN YAB PERDANA MENTERI

DATO HUSSEIN ONN, KETIKA MERESMIKAN

MESYUARAT WAKIL-WAKIL NEGERI DAN

AHLI-AHLI JAWATANKUASA PUSAT


MUSABAQAH MEMBACA AL-QURAN

TAHUN 1399 / 1979 DI BILIK MESYUARAT

PERDANA MENTERI, JALAN DATO ONN,

KUALA LUMPUR, PADA HARI KHAMIS

24HB. MEI, 1979 JAM 10.00 PAGI.



Assalamu'alaikum Warahmatullahi Wabarakatuh

Bismilla-hirrahma-nirrahim.

1. Yang Berhormat Tan Sri Syed Nasir Ismail,
Pengerusi Jawatankuasa Pusat Musabaqah
Membaca Al-Quran 1979.
 2. Wakil-Wakil Kerajaan-Kerajaan Negeri.
 3. Ahli-ahli Jawatankuasa Pusat,
 4. Tuan-tuan dan Puan-puan sekalian.
-

Saya bersyukur kehadiran Allah Subhanahu

Wataala, kerana dapat sekali lagi menemui wakil-wakil

Kerajaan Negeri dan ahli-ahli Jawatankuasa Pusat

~~Musabaqah Membaca Al-Quran~~ dalam mesyuarat

pertama Musabaqah Mem baca Al-Quran peringkat

Kebangsaan dan Antarabangsa tahun 1399/1979.

2. Terlebih dahulu, saya mengucapkan
dan penghargaan
terima kasih kepada ~~Yang Berhormat Tan Sri~~
~~Syed Nasir Ismail kerana sudi sekali lagi menjadi~~
~~Pengerusi Jawatankuasa Pusat. Saya mengucapkan~~
~~setinggi-tinggi penghargaan kepada YB Tan Sri~~
~~Syed Nasir di atas khidmat baktinya menjadi~~
~~Pengerusi berturut-turut sejak tahun 1971 dan~~
~~sebelum itu selama tiga tahun pada tahun-tahun~~
~~1965, 1966 dan 1967. Dengan pengalamannya yang~~
luas, serta bantuan dan sokongan Kerajaan - Kerajaan
Negeri dan ahli-ahli Jawatankuasa sekalian,

Musabaqah Membaca Al-Quran tahun ini akan dapat diadakan dengan ~~lebih~~ sempurna dan teratur. ~~lagi~~.

3. Saya juga mengucapkan terima kasih dan penghargaan kepada semua ahli-ahli Jawatankuasa, serta pegawai-pegawai Kerajaan Negeri dan lain-lain pihak yang terlibat, di atas sumbangan tenaga dan fikiran menganjurkan Musabaqah Membaca Al-Quran pada tiap-tiap tahun, di peringkat-peringkat Daerah, Negeri, Kebangsaan dan Antarabangsa. Kepada mereka yang terus berkhidmat dalam Jawatankuasa-Jawatankuasa di mana-mana peringkat *juara*

~~jua~~, saya harap mereka dapat mengemukakan cadangan-cadangan yang boleh meningkatkan lagi mutu bacaan. Ini adalah penting, supaya ia dapat membawa kesan yang lebih mendalam lagi, dalam meningkatkan minat dan kecenderongan rakyat, khususnya terhadap usaha hendak mencongkel bakat-bakat baru.

Para hadirin sekalian.

4. ~~Yang Berhormat~~ Tan Sri Syed Nasir telahpun mengumumkan tarikh-tarikh bagi Musabqah Peringkat Kebangsaan selama tiga hari, dan Peringkat Antarabangsa selama tiga hari juga, di akhiri dengan Majlis Penyampaian

hadiah pada hari ketujuh. Sebagaimana biasa, thema yang telah diadakan sejak tahun 1971, merupakan daya penggerak, bagi meningkatkan semangat serta membangkitkan kesedaran di kalangan umat Islam, bersempena dengan Musabaqah ini.

Saya suka mengulangi semula, thema-thema yang telah digunakan, iaitu:

Tahun 1971 - Islam dalam Zaman Sains *dan* Teknologi.

Tahun 1972 - Peranan Islam dalam Pembangunan Masyarakat Moden.

Tahun 1973 - Islam dan Pembangunan Ekonomi.

Tahun 1974 - Akhlaq Asas Perpaduan

Tahun 1975 - Kemakmuran Menerusi Lunas-lunas Islam.

Tahun 1976 - Masyarakat Progresif Menurut Pandangan Islam.

Tahun 1977 - Al-Quran Sumber Kekuatan Ummah.

Tahun 1978 - themanya ialah Nilai dan Disiplin Hidup Menurut Al-Quran.

5. Bagi tahun ini, saya telah menerima empat cadangan thema, iaitu:

- i) Ilmu dan Akal Asas Keimanan
- ii) Kesejahteraan Bermula dari Keluarga Taqwa
- iii) Khidmat Bakti Berpandukan Al-Quran
- iv) Keharmonian Menurut Asas Keimanan.

6. Ilmu dan akal memanglah penting kepada manusia. Perseimbangan dalam menggunakan keduanya, menjamin kita menikmati kebahagiaan dan kesejahteraan hidup. Ilmu dan akal, dapat mengawal diri kita dari dikuasai oleh perasaan. Memandangkan pergolakan hidup, yang di alami dan di hadapi oleh masyarakat kita hari ini, adalah sesuai dan menasabah bagi kita memilih tajuk pertama, iaitu Ilmu dan Akal Asas Keimanan, sebagai thema Musabaqah tahun ini. Saya harap, dengan thema ini, maka dapatlah kita mewujudkan garis-garis panduan yang berkesan, yang boleh diikuti dan diamalkan oleh umat Islam di tanahair kita.

7. Saya percaya, tema ini dapat memberi banyak bahan kepada pentomen dan tajok syarahan, yang lazimnya di adakan di Majlis Musabqah pada tiap-tiap tahun. Kata-kata yang bernas dalam lagu nasyid, hendaklah juga berunsurkan kepada tema ini, supaya ia dapat memberi perhatian dan pandangan sepenuhnya, serta memberi contoh tauladan yang baik kepada umat Islam. Saya harap, tema ini akan dapat membangkitkan kesedaran di kalangan masyarakat Islam, supaya mereka dapat meninggikan lagi semangat serta mengukuhkan keimanan mereka untuk bertaqwa kepada Allah.

Para hadirin sekalian.

8. Saya telah menekan dan menegaskan sebentar tadi, mengenai pentingnya usaha di jalankan bagi mencongkel lebih ramai lagi bakat-bakat baru, serta meningkatkan lagi mutu membaca Al-Quran. Memandangkan bahawa sistem mengemukakan peserta-peserta ke Musabaqah Peringkat Kebangsaan ini, adalah dari Musabaqah

.....10/-

Peringkat Kampung, Mukim, Daerah dan Negeri, maka usaha-usaha seperti ini, wajarlah dipelupuri oleh Kerajaan Negeri. Bertambah pula, hampir dalam semua negeri, pentadbiran Jabatan Agama adalah terdapat menyeluruh ke peringkat-peringkat daerah dan mukim. Tenaga-tenaga pegawai dan kakitangan yang menyelenggarakan Musabaqah di peringkat-peringkat kampung dan mukim, boleh terus di gembelinkan, bagi menjayakan usaha melahirkan bakat-bakat baru, meninggikan mutu bacaan, membaiki mukhrij, tajwid, suara dan lagu.

9. Kejayaan menjalankan usaha-usaha ini di peringkat kampung dan daerah, akan dengan sendirinya, dapat meningkatkan mutu Musabaqah Membaca Al-Quran di peringkat negeri-negeri. Hasilnya akan membawa kesan yang lebih bermakna, kepada Peringkat-peringkat Kebangsaan dan Antarabangsa. Usaha-usaha ini, hendaklah dijalankan secara bersungguh-sungguh dan sepanjang tahun. Bimbingan dan asuhan dari guru-guru Quran yang cekap dan berpengalaman adalah penting, bagi menghasilkan kejayaan sepenuhnya terhadap usaha ini.

10. Usaha ini, memerlukan susunan rancangan yang tertentu dan teratur. Pertama, perlulah dibangkitkan, di kalangan masyarakat Islam, khususnya kanak-kanak, semangat mendekati Al-Quran dan meminati bacaan, serta kecenderongan membaca Al-Quran. Kelas-kelas membaca Kitab Suci ini, hendaklah diadakan dengan kekal dan secara kumpulan di tiap-tiap buah kampung. Minat dari bakat yang telah dikesan, hendaklah diasuh dan diberi bimbingan secara khusus dan mendalam, bagi menyertai Musabaqah-Musabaqah di peringkat kampung. Johan peringkat kampung ini, hendaklah diberi

latihan khusus, sebelum menyertai peringkat Daerah. Demikianlah juga dengan johan-johan peringkat Daerah dan Negeri. Mereka mestilah diberi latihan dan bimbingan khusus dan mendalam, sebelum mereka menyertai Musabaqah Peringkat Kebangsaan. Dengan kita jalan ini, maka dapatlah/ memastikan, mutu peringkat Kebangsaan dan Antarabangsa itu sentiasa tinggi.

11. Dalam hubungan ini, Kerajaan Persekutuan melalui pentadbiran Mesjid Negara, telah dan sedang mengendalikan kursus membaca dan menghafaz Al-Quran atau Ma'ahad Tahfiz Walqiraad. Kursus selama tiga tahun ini, diadakan di Mesjid Negara

dan telah dimulakan sejak tahun 1966. Setakat ini, sebanyak tiga kursus telah dapat diadakan, dan seramai 32 orang telah berjaya. Kursus ke empat dari tahun 1977 akan tamat pada tahun depan.

Hanya ^{orang} tiga/ sahaja mengikutinya. Sebilangan dari peserta-peserta yang telah lulus telah dihantar melanjutkan pengajian mereka ke Maahad Qiraad Al-Dini, di Mesir.

12. Sambutan yang amat berkurangan terhadap kursus ini, ialah kerana tidak ada prospek mendapat pekerjaan setelah lulus. Saya sukalah menyarankan, supaya Kerajaan-Kerajaan Negeri menimbangkan calon-calon dari Qari dan Qariah yang berbakat,

mengikuti kursus ini, dengan tujuan menggunakan mereka sebagai tenaga pengajar Al-Quran untuk mencapai matalamat di atas tadi. Jangka masa dan mata pelajaran di kursus ini, bolehlah dikaji semula, untuk disesuaikan dengan kehendak dan keperluan usaha kita itu. Saya harap, wakil-wakil Kerajaan Negeri, dapat membawa perkara ini ke pangkuan pihak yang berkenaan untuk dipertimbangkan.

13. Sebagaimana kita sedia maklum, peserta-peserta dari negara-negara luar, sentiasa memberi persaingan yang hebat. Oleh itu, peserta-peserta kita mestilah meninggikan mutu bacaan dan membaiki lagi bacaan

dan lagu, supaya kita tidak akan ketinggalan dalam pertandingan ini. Kita perlulah pada setiap tahun, meningkatkan mutu bacaan serta kecekapan kita, supaya mutu Musabaqah pada keseluruhannya tidak jatuh. Kita patutlah kekalkan kedudukan dan taraf kita, sebagai johan Antarabangsa dalam kedua-dua bahagian Qari dan Qariah, pada tahun-tahun yang akan datang.

14. Malaysia telah menjadi semakin terkenal, terutama di kalangan negara-negara Islam, kerana usaha kita menganjurkan Musabaqah Membaca Al-Quran pada tiap-tiap tahun, serta usaha kita yang tidak

putus-putus meningkatkan syiar Islam. Adalah menjadi tugas dan tanggungjawab setiap umat Islam di tanahair kita, memelihara dan seterusnya mengharumkan nama baik negara.

Para hadirin sekalian.

15. Musabaqah Membaca Al-Quran ini, memanglah telah menarik minat banyak negara luar. Dalam tahun-tahun tujuh puluhan, bilangan negara luar yang menyertai Peringkat Antarabangsa sentiasa meningkat. Dalam tahun 1970, misalnya, sebanyak 12 negara luar telah menghantar peserta-peserta mereka; dalam tahun 1976 dua buah negara yang

lain telah turut serta. Arab Saudi mula menyertai dalam tahun 1977, selepas menghantarkan wakilnya sebagai pemerhati dan hakim, sejak Musabaqah peringkat Antarabangsa dimulakan dalam tahun 1961. Turkey, yang buat pertama kalinya menghantar peserta dalam tahun 1967, menyertai buat kali kedua pada tahun lalu. Pada tahun lalu, sebanyak 20 buah negara luar telah menghantarkan peserta seramai 20 orang Qari dan 9 orang Qariah.

16. Turkey juga telah menganjurkan Musabaqahnya sendiri dalam tahun 1976, sementara Arab Saudi telah juga mengadakannya dalam bulan April tahun ini. Kedua-duanya mengikuti cara dan sistem penghakiman

yang sama dengan kita. Musabaqah yang dianjurkan oleh Kerajaan Arab Saudi, adalah berupa acara tahunan peringkat Antarabangsa, tetapi lebih menekankan kepada hafiz Al-Quran. Kita telah menghantar satu rombongan ke Arab Saudi dengan diketuai oleh ~~YB~~ Tan Sri Syed Nasir sendiri. Sebagai menghargai usaha ~~kita~~ dan pengalaman kita, ketua rombongan kita telah diminta berucap di Majlis itu, bagi mewakili 36 negara-negara jempunan. Sesungguhnya, ini adalah satu penghormatan besar kepada negara kita. Selain dari sambutan dan layanan yang amat baik, yang diterima oleh rombongan kita, perwakilan-perwakilan asing telah banyak memuji-muji usaha kita dalam Musabaqah dan usaha kita dalam meninggikan syiar Islam.

17. Memanglah tidak dapat dinafikan, bahawa Musabaqah yang kita anjorkan itu, telah dapat mengeratkan kerjasama dan persefahaman, diantara kita dengan negara-negara peserta dan luar negeri. Ia telah mengukuhkan lagi, tali persahabatan dan hubungan diplomatik kita dengan negara-negara jiran dan negara-negara Islam yang lain. Oleh itu, adalah penting bagi kita menyusun acara dan menjalankan majlis Musabaqah dengan sempurna dan teratur, serta melayani para peserta dari luar negeri dengan baik dan sempurna. Kita mestilah sentiasa menjaga nama baik dan maruah negara kita.

18. Akhirnya, saya sekali lagi mengucapkan terima kasih serta penghargaan kepada setiap pegawai dan kakitangan, yang telah turut bersama-sama menjayakan Musabaqah pada tahun lalu. Semoga Allah memberkati segala usaha suci dan usaha mulia kita ini.

Para hadirin sekalian.

19. Dengan ini, saya dengan amat sukacitanya, mengisytiharkan permulaan Mesyuarat Wakil-wakil Negeri dan Ahli-ahli Jawatankuasa Pusat Musabaqah Membaca Al-Quran tahun 1399 bersamaan tahun 1979.

Terima kasih.

~~UCAPAN ADHO~~

~~371 - 140/79~~



No. Siri	442
No. Penerimaan	63/79